

KOMMUNIKAMMA 16 MEI 2021



Kontakpersone, indien u meer inligting nodig het oor een van die sake wat hier verskyn:

U blokouderling of -diaken

Niekie Oosthuizen: 082 561 8747; 041 360 1484; kerkkantoor@ngkraggakamma.co.za

Ds MG van Rooyen: 041-3600665; 083 413 7100; mgvanrooyen@telkomsa.net

TEKS vir die WEEK:

Kolossense 3: 14 "Tussen die klere wat God vir julle gegee het, is daar 'n kledingstuk wat alles perfek afrond. Jy moet dit altyd en oral dra. Hierdie kledingstuk is die liefde. As julle mekaar liefhet, leef julle presies soos God dit wil hê. Liefde hou julle naby mekaar soos julle veronderstel is om te wees."

SAKE vir GEBED:

- Dank die Here vir elke druppeltjie reën wat Hy vir ons gestuur het. Ons vra dat Hy in die oorfloed van Sy genade vir ons genoeg reën sal stuur sodat ons damme sal oorloop. Dankie dat ons dit in nederige afhanklikheid van Hom mag vra.
- Dankie Vader vir U leiding met die beroepingsproses. Ons glo dat ons U stem duidelik gehoor het.
- Daar is so baie nood in ons stad, land en in die wêreld. Bid dat God nood sal verlig. Bid ook dat ons sal help waar ons kan om die mense by te staan.
- Die bendegeweld by Kleinskool en ander areas neem toe en dit is die onskuldiges wat daaronder ly. Ons dra elkeen aan die Here op en bid dat Sy liefde soos 'n kledingstuk aangetrek sal word.
- Dra al ons land se leiers gedurig aan die Here op. Ons glo dat God hulle met wysheid, insig en integriteit sal seën en dat hulle sal doen wat reg is in die oë van die Here.
- Dink in besonder aan Doré Grobler wat weer met chemobehandeling begin en haar man, Christo en familie wat haar bystaan.
- Dank die Vader vir gebedsverhooring. Klein Josh het eindelijk die operasie ondergaan. Hy sterk goed aan en is alreeds na 'n gewone saal oorgeplaas. Baie dankie Hemelse Vader.
- Judie Boshoff, Willie Möller en Rinus van Heerden sterk almal tuis aan. Dank Vader vir Sy goedheid.
- Die Here se ingryping teen die stygende Covid getalle en dat Hy die inentingproses glad sal laat verloop.
- Jan Wiese is oorlede. Bid vir sy vrou, Verna, seun Daniël en die familie.
- Dank God vir geestelike groei wat gedurende ons Pinksterdienste plaasgevind het.
- Bid ook in besonder vir Gerrit en Janine Coetzee met hulle groot roeping en die logistieke en planne wat daarmee gepaard gaan. Bid dat God elke treë met hulle sal wees.

There4-bedieninge se gebedsversoek vir die week:

Bid saam vir almal in **Sjina**, wat hul vorige godsdiens verlaat het om Jesus Christus te volg. Bid dat hulle beskerm sal word teen seerkry, en ook versterk en bekragtig sal word in hulle geloof.

EREDIENSTE IN DIE KERKGEBOU

Die hou van eredienste is onderhewig aan al die Covid regulasies. Maskers moet gedra en 'n veilige afstand gehandhaaf word. Vir jou koors wat gemeet sal word en vir die saniteer van hande, het ons alles in plek. Daar mag nou 250 persone per erediens in die kerkgebou wees.

Indien jy 'n erediens wil bywoon, kan jy die volgende skakel gebruik om die aanlyn vorm te voltooi.

<https://forms.gle/p7mpVSBnHeYdRYuZ8>. Ons versoek dat jy die vorm voor Vrydag 12:00 sal voltooi.

Jou bespreking verseker jou van 'n plek in die eredienste.

Neem asb. kennis dat dit nie 'n vereiste is om plek te bespreek nie, maar dit vergemaklik die inteken proses in die oggend.

Ons versoek hoë risiko persone om nie die dienste in die kerkgebou by te woon nie. Indien jy enige griepsimptome toon, bly asb ter wille van jou eie en ander se veiligheid by die huis.

Digitale dienste het gekom om te bly en sal, soos altyd, beskikbaar gestel word.

Op die kerkraadsvergadering van 20 Mei is daar besluit om vir eers slegs een erediens op 'n Sondag te hou. Die erediens sal Sondae om 09:00 plaasvind en kategese sal direk na die erediens vir al die jeug plaasvind. Die Eietydse- en Klassieke aanbiddingstyle sal afgewissel word en met spesiale geleenthede gekombineer word. Neem egter kennis dat hierdie slegs 'n tydelike reëling is en die kerkraad sal DV op 28 Augustus die besluit her-evalueer.

Die eerste gesamentlike diens is Nagmaal op Sondag 6 Junie, soos dit op ons almanak verskyn.

PROGRAM VIR DIE WEEK:

Sondag 23 Mei

08:30 Eietydse Diens

Gelowiges is mense wat sug... (Rom 8:18-30)

<https://youtu.be/GMdyJlxDvXQ> Skakel gerus op Youtube kanaal in as jy die lewendige uitsendings wil volg. Die video sal gestoor word op Youtube, sodat jy ook op jou eie tyd daarna kan gaan kyk.

Die huisgeloof, 'n gesprek riglyn rondom die tema van die erediens, is op die gemeente se webwerf beskikbaar.

10:00 – Klassieke Diens

Deurdankoffer by die eredienste gaan vir die Kleinskool Inisiatief.

10:00 – Kategese

Kategese by die kerkgebou vir graad 1 - 6. Covid protokol is in plek en ons sal alles in ons vermoë doen om die jongmense veilig te hou. Graad 7 - 11 kategese vind by ouerhuise plaas.

Maandag 24 Mei

12:45 GEMEENTEBIDUUR

Ons hou Maandae 'n gebedsgeleentheid in die konsistorie, maar ook via Zoom. Almal is welkom. Kontak Niekie indien jy wil saam bid of 'n gebedsversoek het.

18:00 ADMINISTRASIEDIENSTERREIN VERGADERING

Dinsdag 25 Mei

Voedselhelp aan PE-Noord

Ons help weekliks ongeveer 30 gesinne met kospakkies en ander benodighede. Dankie vir elkeen se ondersteuning.

Behalwe vir die skenkings van kos en klere ontvang, is reeds R 197 269 gebruik om kos aan te koop.

Kontant donasies kan in ons kerk se bankrekening gemaak word. Merk dit asb. duidelik vir PE Noord.

Skenkings kan hierdie week op Dinsdag by Willie en Gaynor Swanepoel (Abeliasingel 23) afgelaai word. U kan meer inligting op ons webblad kry of vir Sonja Spies (084 516 4925) kontak.

Woensdag 26 Mei

KERKKANTOOR

Die kerkkantoor sal elke Woensdag van 08:00 tot 12:00 oop wees. Maak 'n afspraak by Niekie indien jy kerkkantoor toe wil kom. **Geen persoon sal sonder 'n masker toegelaat word nie.** Volg asb die regulasies.

Vrydag 28 Mei

05:00 MANNEGROEP

Die mannegroepbyeenkoms kom bymekaar by Frans Stapelberg. (Carnationlaan 15) Indien jy wil deel word, kontak vir Frans vir meer besonderhede by sel: 082 773 6205.

Sondag 30 Mei

08:30 en 10:00 Eredienste

10:00 – Kategese

Kategese by die kerkgebou vir graad 7 - 11. Covid protokol is in plek en ons sal alles in ons vermoë doen om die jongmense veilig te hou. Graad 1 - 6 kategese vind by ouerhuise plaas.

Die pad vorentoe.

Die Kerkraad het op die kerkraadsvergadering van 20 Mei besluit om ds Du Toit Wessels na Kraggakamma Gemeente te beroep. Kom ons as gemeente bid vir hom en sy vrou Odette dat God hulle sal lei in die besluit of hulle die beroep gaan aanvaar. Bid asb ook vir die kandidaat wat nie beroep is nie. Ons gebed is dat die Here vir hulle ook 'n nuwe deur sal oopmaak.

KERMIS

Ons is besig met die beplanning van die Kermis wat op 16 Junie gaan plaasvind. Ons sal verseker dat alle Covid-19 protokolle in plek is, om dit vir almal veilig te maak om deel te wees van die dag. Op die spyskaart is al ons gunsteling, soos bv Kerrie en Rys, Pannekoek, Spitkoeke, Hamburgers en vele meer. En om seker te maak dat jy wel iets van alles kan eet, kan jy eers die 5km Pretdraf doen om so 'n paar kalorieë te verbrand.

Ons soek konvenors vir die volgende stalletjies:

Brekkie Buns

Vetkoeke

Gebak

Indien jy kans sien om hiermee te help, kontak asb vir Frans Stapelberg (082 773 6205) of Niekie Oosthuizen vir meer inligting. U vra asb ook vir finansiële bydraes.

BOURESERWEFONDS

Ons geboue is ook 'n getuigenis dat ons God se fontein van liefde is. Die kerk kompleks benodig groot opknappingswerk soos bv verf, facia's, oorhange, geute ens. Die totaal van die herstelwerk- en opknappingswerk beloop na raming baie naby aan 'n miljoen rand. Die werk sal oor 'n tydperk aangepak word soos fondse beskikbaar raak.

Baie dankie vir die baie groot anonieme bydraes wat ons ontvang het. Verbeterings aan die Gazaniastraat pastorie word reeds gedoen.

Ons weet dit is moeilike tye vir baie van ons, maar as die Here vir jou geseën het, oorweeg dit asb biddend of jy nie kan help om weer die fonds te versterk nie. Oorweeg dit asb ook om in jou erflating 'n paar rand aan die fonds na te laat.

VERJAARSDAE

Ons wens die volgende lidmate geluk met hulle verjaarsdae:

23 Mei	AJ Botha, Frans Krause en Dossie Nortjé
24 Mei	Milan Geyser, Martin le Roux, Tiaan Lourens, Theo Maree, Giel Meyer en Martyn Nell
25 Mei	Ciellie Collins, Coritha du Toit, Ian Landman en Nadia Slabbert
26 Mei	Hannes Vermaak
27 Mei	Abrie Landman, Sharné van Ryneveld en Hardus Viljoen
28 Mei	Willie Bezuidenhout, Rene Hedderwick, Sharné Vermaak en Johan Westraadt
29 Mei	Handré Janse van Rensburg en Brendon Slabbert



DANKOFFER

Die tweede maand van ons nuwe finansiële jaar is verby en ons kon ons finansiële verantwoordelikhede, met 'n klein tekort, nakom. Baie dankie vir elkeen se dankbaarheidsbydrae. Ons versoek u om steeds die Here met u finansiële offer van dankbaarheid te bly dien. Die dankoffers kan direk in die kerk se bankrekening of deur middel van Snapscan betaal word.

Die kerk se bankbesonderhede is:

NG Kraggakamma

Absa Tjekrek 1400590091

Takkode 632005



KLEUTERSKOOL BIBLIOTEEKPROJEK

Ons ondersteun Ds Derick Meyburgh wat oa betrokke is by vyftig kleuterskole in die distrikte van Cala en Elliot in die landelike Oos-Kaap. Hy wil graag 'n leeshoekie by elke kleuterskool beskikbaar stel. 300 boekies is reeds aangekoop met donasies wat ontvang is. Vir elkeen van die 50 kleuterskole om tien boeke te kan kry, benodig hul nog 200 boekies om mee te begin. Indien u engelse kleuterboekies het, kan u dit ook skenk vir hierdie projek.

Daar is nou 'n NGO wat isiXhosa boekies beskikbaar stel vir R10.00 per boekie. As u 'n bydrae tot die projek wil maak, betaal dit oor in die kerk se rekening en dui asb aan dat dit vir die Kleuterskool Biblioteekprojek is.